




UNaka noNala bathetha ngomhlaba

Connie Makgabo
Vusi Malindi





UNaka noNala basegadini. Bayacoca betyala nemifuno.

UNala uyakhefuzela esithi, “Kutheni sisebenza kangaka elangeni nje?”



UNaka uphendula athi, “Sisebenza
nzima kuba siyawuthanda umhlaba
nendawo esihlala kuyo!”

Wongeza esithi, “Abantwana bakhula
kakuhle kwindawo ecocekileyo.”




Uqhubeka athi, “Kunjalo sityala imifuno ukuze sitye ukutya okusempilweni.”

UNala uthi, “Ukutyala imifuno kungasinceda songe imali.”



UNala uthi, “Ubusithini ngomhlaba?
Ndicela undibalisele ngakumbi.”

UNaka uthi, “Masihlale phantsi, ndiza
kukubalisela into ngomhlaba.”



UNaka uqalisa ngokuthi, “Umhlaba
yiplanethi engqukuva esihlala kuyo.

Kuhlala abantu abamalunga
neebhiliyoni ezisi8 apha! Umhlaba
ujikeleza ilanga.”



“Le planethi yenziwe ngomhlaba, ngomoya namanzi. Izinto eziphilayo zihlala ngaphezulu kule planethi kuba itshisa kakhulu ngaphakathi,” uNaka uyacacisa.



UNala uyamphazamisa aze athi,
“Kutheni singawi ngaphaya komhlaba
nje?”

UNaka uphendula athi, “Umbizane
womhlaba usenza sihlale apha. La
mandla omhlaba asitsalela kule
planethi.”



“Singawuhoya njani umhlaba?” uNala uyabuza.

UNaka uphendula athi, “Kufuneka singawungcolisi. Sifanele ukuphinda sizisebenzise izinto ebesizisebenzisile ukuze sinciphise izinto ezingcolisayo.”



UNaka uqhubeka athi, “Simele ukuphinda sisebenzise izinto eziyiplastiki, iphepha, iglasi neetoti. Singakwazi ukwenza izinto ezintsha ngezinto ebezikhe zasebenza. Zininzi gqitha izinto esizilahlayo.”



UNaka ugqibezela ngokuthi, “Kufuneka siwuhoye umhlaba kuba abantu bayawudinga ukuze baqhubeke bephila.”

UNala uthi, “Masibuyele emsebenzini!”

—Imibuzo

1. Wenza ntoni uNala noNaka? Ngoba?
2. Bhala izinto ezi4 ngeplanethi yethu.
3. Kutheni kufuneka siwuhoye nje umhlaba?
4. Kuthetha ukuthini ukuphinda sisebenzise izinto?
5. Ziintoni ezinokuphinda zisetyenziswe?
6. Mangaphi amazwekazi akhoyo emhlabeni? Waxele uqale ngelona likhulu, ukuyotsho kwelona lincinci.
7. Dwelisa amazwe ali10 aseAfrika anabona bantu baninzi.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: UNaka noNala bathetha ngomhlaba

Author/s: Connie Makgabo

Translator/s: Sinazo Mgobozi, Bukeka Mahlangabeza

Illustrator/s: Vusi Malindi

Assurer/s: Angelinah Dazela

Language: isiXhosa



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

